

**O'zbekiston Respublikasi Kambag'allikni qisqartirish va bandlik vazirligi
huzuridagi Oila va xotin-qizlar qo'mitasi, uning hududiy bo'linmalari hamda
mahallalardagi xotin-qizlar faollarida korrupsiyaviy xavf-xatarlarni baholash**

USLUBIYOTI

1-bob. Umumiy qoidalar

1. Mazkur Uslubiyot O'zbekiston Respublikasi Kambag'allikni qisqartirish va bandlik vazirligi huzuridagi Oila va xotin-qizlar qo'mitasi (keyingi o'rinlarda – Qo'mita), uning hududiy va tarkibiy bo'linmalari hamda mahallalardagi xotin-qizlar faollari (keyingi o'rinlarda – Qo'mita tizimi)da yuklangan vazifa va majburiyatlarni bajarishda kelib chiqadigan korrupsiyaviy xavf-xatarlarni baholash bo'yicha qoidalarni belgilab beradi hamda Qo'mita tizimida korrupsiyaviy xavf-xatarlarni baholashga yagona yondashuvni shakllantirishga qaratilgan.

2. Quyidagilar Qo'mita tizimidagi korrupsiyaviy xavf-xatarlarni baholashning maqsadi hisoblanadi:

Qo'mita tizimi faoliyatini kompleks tahlil qilish orqali korrupsiya xavf-xatariga eng ko'p moyil bo'lgan funktsiya va lavozimlarini belgilash;

korrupsiyaviy xavf-xatarlarni minimallashtirish bo'yicha samarali oldini olish choralarini ishlab chiqish.

3. Qo'mita tizimidagi korrupsiyaviy xavf-xatarlarni baholash quyidagilarni ishlab chiqilishini nazarda tutadi:

Korrupsiyaviy xavf-xatarlar xaritasi;

Qo'mita tizimida, korrupsiyaga qarshi kurashish choralar (tadbirlar)ni, mas'ul shaxslarni, amalga oshirish mexanizmi va muddatlarini o'z ichiga belgilab olgan Korrupsiyaga qarshi kurashish bo'yicha dastur.

4. Qo'mita tizimidagi korrupsiyaviy xavf-xatarlarni baholash har yili quyidagi holatlar yuzaga kelganda amalga oshiriladi:

korrupsiyaviy xavf-xatarlarni birlamchi baholash zaruriyati;

O'zbekiston Respublikasi qonunchilik talablarining o'zgarishi;

funktsiya yoki tartib-taomilning amalga oshirilishiga sezilarli ravishda ta'sir ko'rsatuvchi Qo'mita tizimining ichki hujjatlari o'zgarishi;

Kambag'allikni qisqartirish va bandlik vazirligi huzuridagi Oila va xotin-qizlar qo'mitasi (keyingi o'rinlarda – Qo'mita), uning tarkibiy va hududiy bo'linmalari hamda mahalladagi xotin-qizlar faoli tuzilmasining, funktsiyalarini amalga oshirishida o'ziga xos jihatlarning o'zgarishi, yangi funktsiyalarning yuklanishi;

Qo'mita, uning tarkibiy va hududiy bo'linmalari hamda mahalladagi xotin-qizlar faoli funktsiyalarining korrupsiyaviy xavf-xatar darajasiga ta'sir ko'rsatishi mumkin bo'lgan boshqa shart-sharoitlarning kelib chiqishi.

5. Ushbu Uslubiyotda quyidagi asosiy tushunchalardan foydalaniladi:

qoldiq xavf-xatar – korrupsiyaviy xavf-xatarni minimallashtirishga qaratilgan choralari qabul kilingandan so‘ng qoluvchi xavf-xatar (*ya’ni, amaldagi korrupsiyaga qarshi kurashish siyosatini va tartib-taomillarni, xavf-xatarni minimallashtirish bo‘yicha chora-tadbirlarni va joriy etilgan nazoratlarni hisobga olgan holda*);

korrupsiyaviy xavf-xatar – xodimlar yoki uchinchi shaxslar tomonidan Qo‘mita, uning tarkibiy va hududiy bo‘linmalari hamda mahalladagi xotin-qizlar faollari nomidan va (yoki) ularning manfaatlarini ko‘zlab korrupsiyaviy xatti-harakatlarni sodir etish xavfi;

korrupsiyaviy xavf-xatarni baholash – qo‘mita tizimi tomonidan amalga oshiriladigan funktsiyalarni tahlil qilish, ularning korrupsiyaviy xavf-xatarga moyillik darajasini aniqlash, shuningdek funktsiyalar doirasida amalga oshiriladigan tegishli tartib-taomillar uchun o‘ziga xos va qoldiq korrupsiyaviy xavf-xatarni baholash faoliyati;

korrupsiyaviy xavf-xatarni birlashgan xaritasi – qo‘mita tizimidagi korrupsiyaviy xavf-xatarni baholash natijalari bo‘yicha tuziladigan va Qo‘mita, uning tarkibiy va hududiy bo‘linmalari mahallalardagi xotin-qizlar faollari funktsiyalari va tartib-taomillarining umumiy ro‘yxati, tegishli funktsiyalarni amalga oshirish bilan bog‘liq ehtimoliy korrupsiyaviy xavf-xatar (sxemalar) tasnifi, o‘ziga xos va qoldiq korrupsiyaviy xavf-xatarlar darajasi, ularni minimallashtirish choralari va aniqlangan korrupsiyaviy xavf-xatarni minimallashtirish chora-tadbirlarini amalga oshirish uchun mas‘ul bo‘lgan xodimlar lavozimlarini o‘z ichiga oluvchi birlashgan hujjat;

korrupsiyaviy harakatlar – xodim tomonidan bevosita yoki bilvosita shaxsan yoki uchinchi shaxslar orqali pora beruvchi manfaatlarini yo‘lida harakat yoki harakatsizlik uchun moddiy manfaatdor bo‘lishi, shu jumladan pul, qimmatbaho qog‘oz, boshqa ko‘rinishdagi mulk va mulkiy huquqlar, mulkiy harakterdagi xizmatlar olish, talab qilish, undirish, taklif qilish yoki berish, pora berish yoki olish yohud bunda vositachilik qilishda, rasmiyatchiliklarni soddalashtirish uchun to‘lovlar undirish (pora olish) va boshqa noqonuniy maqsadlarda o‘z xizmat vazifalaridan noqonuniy foydalanish;

korrupsiyaga oid huquqbuzarlik – korrupsiya alomatlariga ega bo‘lgan, sodir etilganligi uchun qonunchilikda javobgarlik nazarda tutilgan qilmish;

tartib-taomil – qo‘mita tizimi funktsiyalarini amalga oshirish doirasidagi xodimlar, bo‘linmalar tomonidan bajariladigan yoki bitta natijaga qaratilgan, yohud ma‘lum bir funktsiyaning ajralmas elementi hisoblangan, alomatlar bo‘yicha bir guruhga birlashtirish mumkin bo‘lgan harakatlar yig‘indisi;

funksiya – bir nechta tartib-taomilni o‘z ichiga olishi mumkin bo‘lgan qo‘mita tizimining ichki jarayon (faoliyat yo‘nalishlari)laridan biri;

ekspert fikri – aniq fakt yoki hodisa bo‘yicha xodim yoki bo‘linmaning sub’ektiv qarashi yoki fikriga asoslangan qarori;

o‘ziga xos xavf-xatar – qo‘mita tizimi faoliyati va amalga oshirilayotgan funktsiyalari spetsifikasidan kelib chiqadigan xavf-xatari, shu bilan birga uni kamaytirishga qaratilgan chora-tadbirlarni amalga oshirilishi hisobga olinmagan holda (*ya’ni, amaldagi korrupsiyaga qarshi kurashish siyosati va tartib-taomillari, xavf-xatarni minimallashtirishga qaratilgan chora-tadbirlar va joriy etilgan nazoratlar hisobga olinmagan holda*);

hududiy yoki tarkibiy bo‘linmaning korrupsiyaviy xavf-xatarlari xaritasi – qo‘mitaning tarkibiy va hududiy bo‘linmalari yoki mahalladagi xotin-qizlar faollarining korrupsiyaviy xavf-xatarlarini baholash natijalari bo‘yicha tuziladigan hamda qo‘mita tizimi funksiyalari va tartib-taomillarining umumiy ro‘yxati, tegishli funksiyalarni amalga oshirish bilan bog‘liq ehtimoliy korrupsiyaviy xavf-xatar (sxemalar) tasnifi, o‘ziga xos va qoldiq korrupsiyaviy xavf-xatarlar darajasi, ularni minimallashtirish choralari va aniqlangan korrupsiyaviy xatarni minimallashtirish chora-tadbirlarini amalga oshirish uchun mas‘ul bo‘lgan xodimlar lavozimlarini o‘z ichiga oluvchi hujjat.

6. Qo‘mita tizimidagi korrupsiyaviy xavf-xatarlarni baholash Komplaens nazorat bosh mutaxassisi (keyingi o‘rinlarda – Bosh mutaxassis) tomonidan Kambag‘allikni qisqartirish va bandlik vazirligi huzuridagi Oila va xotin-qizlar qo‘mitasi raisi (keyingi o‘rinlarda – Rais) topshirig‘i asosida amalga oshiriladi. Rais topshirig‘ida baholashni o‘tkazish aniq muddatlari ko‘rsatiladi.

7. Korrupsiyaviy xavf-xatarlarni baholashda Bosh mutaxassis quyidagi vazifalarni amalga oshiradi:

korrupsiyaga qarshi kurashish bo‘yicha mas‘ullarni jalb qilgan holda qo‘mita tizimida xavf-xatarlarni baholash jarayonini tashkillashtiradi;

qo‘mita tizimida korrupsiyaviy xavf-xatarlarni baholash jarayoni ustidan umumiy nazoratni amalga oshiradi;

qo‘mita, uning tarkibiy va hududiy bo‘linmalari hamda mahalladagi xotin-qizlar faollariga mazkur Uslubiyotda ko‘zda tutilgan tartibga rioya qilish bo‘yicha maslahatlar beradi;

qo‘mita bo‘linmalarining korrupsiyaviy xavf-xatarlar xaritasini tuzadi va rais o‘rinbosari bilan kelishadi;

qo‘mita, uning tarkibiy va hududiy bo‘linmalari hamda mahalladagi xotin-qizlar faollarining korrupsiyaviy xavf-xatarlari xaritasini Qo‘mita tizimining korrupsiyaviy xavf-xatarlarining birlashgan xaritasiga umumlashtiradi;

raisga va tegishli tarkibiy hamda hududiy bo‘linmalar rahbarlariga xavf-xatarlarni baholash natijalari va korrupsiyaviy xavf-xatarlarning birlashgan xaritasini taqdim etadi;

tasdiqlangan xavf-xatarlar xaritasi asosida qo‘mitaning tarkibiy va hududiy bo‘linmalar tomonidan ishlab chiqilgan korrupsiyaga qarshi kurashish bo‘yicha dasturlar loyihalarini ko‘rib chiqadi va ularni qabul qilish maqsadga muvofiqligi to‘g‘risida xulosa beradi;

qo‘mita bo‘linmalarining korrupsiyaga qarshi kurashish bo‘yicha dasturini ishlab chiqadi va qais o‘rinbosari bilan kelishadi;

markaziy apparat, tarkibiy va hududiy bo‘linmalarining korrupsiyaga qarshi kurashish bo‘yicha dasturi asosida qo‘mita tizimining korrupsiyaga qarshi kurashish dasturini ishlab chiqadi;

qo‘mita tizimida korrupsiyaviy xavf-xatarlarni minimallashtirish bo‘yicha chora-tadbirlarini muvofiqlashtiradi va ularni nazorat qiladi;

ushbu Uslubiyotda ko‘zda tutilgan boshqa vazifalarni amalga oshiradi. Bosh mutaxassis zarur hollarda markaziy apparat tarkibiy bo‘linma rahbarlari va korrupsiyaga qarshi kurashish bo‘yicha mas‘ullardan qo‘shimcha axborot va hujjatlarni talab qilib oladi.

8. Korrupsiyaga qarshi kurashish bo'yicha mas'ullar quyidagi vazifalarni amalga oshiradi:

tegishli tarkibiy va hududiy bo'linmalarda hamda mahalladagi xotin-qizlar faollarida korrupsiyaviy xavf-xatarlar baholanishini tashkil qiladi va o'tkazadi;

tegishli tarkibiy va hududiy bo'linmalarda hamda mahalladagi xotin-qizlar faollarida korrupsiyaviy xavf-xatarlarni baholash jarayoni ustidan nazoratni amalga oshiradi;

tegishli tarkibiy va hududiy bo'linmalarining hamda mahalladagi xotin-qizlar faollarining korrupsiyaviy xavf-xatarlar xaritasini tuzadi va ushbu Uslubiyotda ko'zda tutilgan tartibda kelishilishini ta'minlaydi;

ushbu Uslubiyotda ko'zda tutilgan boshqa vazifalarni amalga oshiradi.

Korrupsiyaga qarshi kurashish bo'yicha mas'ullar zarur hollarda tegishli tarkibiy va hududiy bo'linmalari hamda mahalladagi xotin-qizlar faollari xodimlaridan qo'shimcha axborot va hujjatlarni talab qilib oladi.

2 bob. Korrupsiyaviy xavf-xatarlarni dastlabki baholash

9. Qo'mita tizimida korrupsiyaviy xavf-xatarlarni dastlabki baholash jarayoni tegishli buyruqlar va ularda ko'rsatilgan muddatlar asosida amalga oshiriladi.

Korrupsiyaviy xavf-xatarlarni dastlabki baholashning umumiy muddati 3 oydan oshmasligi lozim.

10. Korrupsiyaviy xavf-xatarlarni dastlabki baholash funktsiyalarning korrupsiyaviy xavf-xatarga moyillik darajasini dastlabki baholash va tegishli funktsiyalar doirasida Qo'mita tizimi xodimlari tomonidan amalga oshiriladigan ayrim tartib-taomillarning korrupsiyaviy xavf-xatar darajasini baholashni o'z ichiga oladi.

11. Korrupsiyaviy xavf-xatarlarni dastlabki baholash, pastdan tegishli Qo'mita, uning tarkibiy va hududiy bo'linmalar hamda mahalladagi xotin-qizlar faollari) tepaga (markaziy apparat darajasigacha), mazkur bobning 12-21 bandlarida ko'rsatilgan tartib va ketma-ketlikda amalga oshiriladi.

12. Bosh mutaxassis ushbu Uslubiyotga 1-ilovada keltirilgan Korrupsiyaviy xavf-xatarlar xaritasini ishlab chiqish bo'yicha Qo'mita, uning tarkibiy va hududiy bo'linmalariga hamda mahalladagi xotin-qizlar faollariga ko'rsatma yuborilishini ta'minlaydi.

Ko'rsatmada tasdiqlangan Korrupsiyaviy xavf-xatarlar xaritasini Bosh mutaxassisga taqdim etish muddatlari ko'rsatilib, bu muddat yigirma besh ish kunidan kam bo'lmasligi kerak.

13. Qo'mitaning tarkibiy bo'linmalarining Korrupsiyaviy xavf-xatarlar xaritasi tegishli bo'linmalar tomonidan ishlab chiqilib, Bosh mutaxassisga Qo'mita uchun yagona Korrupsiyaviy xavf-xatarlar xaritasini tuzish maqsadida kiritiladi.

Qo'mitaning tarkibiy bo'linmalarining Korrupsiyaviy xavf-xatarlar xaritasi Bosh mutaxassis tomonidan Rais bilan kelishiladi.

14. Qo'mitaning tarkibiy va hududiy bo'linmalari hamda mahalladagi xotin-qizlar faollarining Korrupsiyaviy xavf-xatarlar xaritasi Korrupsiyaga qarshi kurashish bo'yicha mas'ul tomonidan ishlab chiqiladi va tegishli tarkibiy va hududiy bo'linma rahbarlari bilan kelishiladi.

15. Qo'mita, uning tarkibiy va hududiy bo'linmalari hamda mahalladagi xotin-qizlar faollari tomonidan ishlab chiqilgan Korrupsiyaviy xavf-xatarlar xaritasiga oid savollar yuzaga kelgan taqdirda, Bosh mutaxassis tegishli hududiy va tarkibiy bo'linmaga hamda mahalladagi xotin-qizlar faollariga izoh berish yoki xaritaga tuzatish kiritish uchun so'rov yuboradi. Bunda, so'rovga javob olingan kundan boshlab besh ish kunidan oshmagan muddatda yuborilishi lozim.

16. Bosh mutaxassis o'z ekspertlik fikriga tayangan holda Korrupsiyaviy xavf-xatarlar xaritasiga o'zgartirishlar kiritishlari mumkin.

17. Qo'mita, uning tarkibiy va hududiy bo'linmalarning hamda mahalladagi xotin-qizlar faollarining korrupsiyaviy xavf-xatarlar xaritalari asosida Bosh mutaxassis Qo'mita tizimining korrupsiyaviy xavf-xatarlarning birlashgan xaritasini ishlab chiqadi.

18. Korrupsiyaviy xavf-xatarlarning birlashgan xaritasini tuzish muddati, Qo'mita, uning tarkibiy va hududiy bo'linmaning hamda mahalladagi xotin-qizlar faolining korrupsiyaviy xavf-xatarlari xaritasi tasdiqlangan sanadan boshlab, o'n ish kunidan oshmasligi kerak.

19. Korrupsiyaviy xavf-xatarlarning birlashgan xaritasi Boshqarma taqdimnomasiga asosan Qo'mita tomonidan tasdiqlanadi.

20. Qoldik korrupsiyaviy xavf-xatarning yuqori darajasi bilan ifodalanadigan tartib-taomillar uchun Bosh mutaxassis ushbu Uslubiyotining 2-ilovasiga muvofiq korrupsiyaviy xavf-xatarlarga eng ko'p moyil bo'lgan lavozimlar ro'yxatini ishlab chiqadi.

21. Qo'mita tizimining korrupsiyaviy xavf-xatarlarga eng ko'p moyil bo'lgan lavozimlar ro'yxati Bosh mutaxassis taqdimnomasiga asosan Rais tomonidan tasdiqlanadi.

22. Korrupsiyaga qarshi kurashish bo'yicha mas'ul tomonidan tasdiqlangan Korrupsiyaviy xavf-xatarlarning xaritasida belgilangan chora-tadbirlarga asosan tarkibiy va hududiy bo'linmalarning Korrupsiyaga qarshi kurashish bo'yicha dasturi ushbu Uslubiyotning 3-ilovasiga muvofiq Korrupsiyaviy xavf-xatarlarning xaritasi tasdiqlangan sanadan o'n ish kuni ichida ishlab chiqilib tasdiqlanadi.

Tarkibiy va hududiy bo'linmalarning Korrupsiyaga qarshi kurashish bo'yicha dasturi Boshqarma bilan kelishilgandan so'ng tegishli tarkibiy va hududiy bo'linma rahbarlari tomonidan tasdiqlanadi.

23. Qo'mita tizimining Korrupsiyaga qarshi kurashish dasturi Qo'mita bo'linmalarining korrupsiyaviy xavf-xatarlarni minimallashtirish bo'yicha chora-tadbirlarini inobatga olgan holda Bosh mutaxassis tomonidan ishlab chiqiladi hamda Rais tomonidan tasdiqlanadi.

3-bob. Korrupsiyaviy xavf-xatarlarning keyingi (har yillik) baholanishi

24. Qo'mita tizimida korrupsiyaviy xavf-xatarlarning keyingi baholanishi doimiy ravishda, bir yilda kamida bir marta, qoida tariqasida yil boshida Raisning tegishli buyrug'i asosida o'tkaziladi.

Keyingi (har yillik) korrupsiyaviy xavf-xatarlarni baholash muddati 2 oydan oshmasligi lozim.

25. Yillik korrupsiyaviy xavf-xatarlarni baholash ushbu uslubiyotning 2-bobida ko'rsatilgan korrupsiyaviy xavf-xatarlarni dastlabki baholash tartibida amalga oshiriladi.

26. Har yillik korrupsiyaviy xavf-xatarlarni baholash boshlanishidan oldin Bosh mutaxassis Qo'mita, uning tarkibiy va hududiy bo'linmalari rahbarlariga oldingi baholash davriga nisbatan qonunchilikda yoki ichki idoraviy hujjatlarga kiritilgan o'zgarishlarni aniqlash maqsadida ushbu Uslubiyotga 4-ilovaga mos shaklda So'rovnoma yuboradi.

27. Bosh mutaxassis Qo'mita, uning tarkibiy va hududiy bo'linmalar rahbarlari tomonidan to'ldirilgan So'rovnomalarni yig'adi, tahlil qiladi.

4-bob. Tashkilotda amalga oshiriladigan funktsiyalar va tartib- taomillarning korrupsiyaviy xavf-xatar darajasini baholash tartibi

28. Korrupsiyaviy xavf-xatarlarni baholash tashqi va ichki axborot manbalaridagi ma'lumotlar tahlili asosida amalga oshiriladi, jumladan: qo'mita tizimining funktsiyalarini tartibga soluvchi normativ-huquqiy hujjatlar va qo'mita tizimining ichki hujjatlari (misol uchun, tarkibiy bo'linmalar, xodimlarning lavozim yo'riqnomalari to'g'risidagi nizomlar va h.k.);

ichki tekshiruvlar materiallari, shu bilan birga xizmat tekshiruvlari materiallari;

ichki audit va korrupsiyaga qarshi kurashish bo'yicha monitoring natijalari;

odob-ahloq komissiyasi yig'ilishlari natijalari;

manfaatdor tomonlar, davlat xizmati oluvchilar, ekspertlar va boshqa manfaatdor shaxslar orasida o'tkazilgan so'rov, jumladan ijtimoiy tadqiqotlar natijalari bo'yicha qo'mita tizimining xodimlari tomonidan sodir etilgan korrupsiyaviy harakatlarga oid murojaatlar;

Qo'mita tizimi faoliyatidagi huquqbuzarliklarga oid statistik ma'lumotlar;

korrupsiyaviy harakatlar to'g'risida xabar berishga mo'ljallangan aloqa kanallariga kelib tushgan jismoniy va yuridik shaxslarning murojatlari;

Qo'mita tizimi xodimlari tomonidan sodir etilgan korrupsiyaviy harakatlar yoki odob-ahloq qoidalariga rioya qilmaslik to'g'risida OAVdagi ma'lumotlar;

ijtimoiy tarmoqlarda qoldirilgan izohlar;

huquqni muhofaza qiluvchi organlari tomonidan taqdim etilgan materiallar, jumladan jinoyat ishlariga doir axborotlar va boshqalar.

29. Korrupsiyaviy xavf-xatarlarni baholash jarayonida Qo'mita tizimining har bir funktsiyasi va tartib-taomili bo'yicha korrupsiyaviy harakatlarni sodir etilishi imkoniyatlar borligi bo'yicha tahlil qilish lozim.

30. Har bir funktsiya quyidagi shkala bo'yicha baholanadi:

Korrupsiyaviy xavf-xatarlarga eng ko'p moyil bo'lgan funktsiya;

Korrupsiyaviy xavf-xatarlarga eng kam moyil bo'lgan funktsiya.

31. O'rganilayotgan funktsiya doirasida amalga oshirilayotgan tartib-taomillarning o'ziga xos xavf-xatarini baholash quyidagi mezonlarga ko'ra amalga oshiriladi:

o'ziga xos yuqori xavf-xatar korrupsiyaviy xavf-xatarlarga eng ko'p moyil bo'lgan funktsiyalar doirasida amalga oshiriladigan tartib-taomillarga beriladi;

o'ziga xos o'rta xavf-xatar korrupsiyaviy xavf-xatarlarga eng kam moyil bo'lgan funktsiyalar doirasida amalga oshiriladigan tartib-taomillarga beriladi;

o'ziga xos past xavf-xatarlar ko'zda tutilmagan va Qo'mita Bosh mutaxassisining asosli xulosasi asosida istisno tariqasida qo'llanilishi mumkin.

32. Qoldiq korrupsiyaviy xavf-xatar darajasini baholash xavf-xatarli hodisani amalga oshirishning ehtimoli (mazkur Uslubiyotning 5-ilovasi 5.1 jadvaldagi mezonlarga qarang) va korrupsiyaviy xavf-xatarning oqibat darajasi (mazkur Uslubiyotning 5-ilovasi 5.2 jadvalidagi mezonlarga qarang)ni hisobga olgan holda xavf-xatarlar ahamiyatlilik shaklidan foydalanib amalga oshiriladi (mazkur Uslubiyoti 5-ilovasidagi 5.1 rasm).

5 bob. Korrupsiyaviy xavf-xatarning qoldiq darajasini minimallashtirish choralari

33. Korrupsiyaviy xavf-xatarlarni minimallashtirish chora-tadbirlarini belgilashda:

har bir chora-tadbir Qo'mita tizimi xodimlari uning maqsadlari, pirovard natijasi va ma'lum bir korrupsiyaviy xavf-xatarni minimallashtirish bilan aloqasini tushunishi uchun aniq va ravshan ifoda etilishi;

har bir chora-tadbir uchun uni amalga oshirish muddati yoki davriyligi belgilanishi, uni amalga oshirish uchun mas'ul shaxslar, amalga oshirilishini monitoring qilish va samaradorligini baholash mexanizmlari aniqlab olinishi zarur.

34. Qo'mita tizimining korrupsiyaviy xavf-xatarlar xaritasiga kiritilgan, aniqlangan korrupsiyaviy xavf-xatarlarni minimallashtirish chora-tadbirlari Qo'mita tizimining Korrupsiyaga qarshi kurashish dasturlariga ham kiritiladi (mazkur Uslubiyotning 6-ilovasi).

35. Tashkilotdagi korrupsiyaviy xavf-xatarlarni minimallashtirish chora-tadbirlarini amalga oshirish ustidan nazorat Bosh mutaxassis tomonidan amalga oshiriladi.

6 bob. Yakuniy qoidalar

36. Zarurat bo'lganda, Qo'mita tizimining korrupsiyaviy xavf-xatarlar xaritasi va korrupsiyaga qarshi kurashish dasturiga o'zgartirish va qo'shimchalar kiritish bilan bog'liq masalalar bo'yicha Bosh mutaxassis tomonidan Raisga takliflar kiritiladi.

**O'zbekiston Respublikasi Kambag'allikni qisqartirish va
bandlik vazirligi huzuridagi Oila va xotin-qizlar qo'mitasi, uning
hududiy bo'linmalari hamda mahalladagi xotin-qizlar faollarida
korrupsiyaviy xavf-xatarlarni baholash uslubiyotiga 1-ilova**

**(Oila va xotin-qizlar qo'mitasi)
Korrupsiyaviy xavf-xatarlar xaritasi**

№	Funksiya nomi	Funksiyaning korrupsiyaviy xavf-xatarga moyillik darajasi (eng ko'p moyil / eng kam moyil)	Funksiya doirasida bajarilayotgan tartib-taomil nomi	Tartib-taomilni bajarish uchun mas'ul bo'lgan shaxslar (lavozimi, bo'linmasi)	Ehtimoliy korrupsiyaviy sxema (xavf-xatar)ning qisqacha ta'rifi	O'ziga xos korrupsiyaviy xavf-xatar (yuqori / o'rta / past)	Mavjud nazorat tartib-taomillari / korrupsiyaviy xavf-xatarlarni minimallashtirish choralari	Nazorat tartib-taomillari / korrupsiyaviy xavf-xatarlarni minimallashtirish chora-tadbirlarini tartibga soluvchi me'yoriy-huquqiy va ichki hujjatlar	Nazorat tartib-taomillari / korrupsiyaviy xavf-xatarlarni minimallashtirish chora-tadbirlarini amalga oshirish uchun mas'ul shaxslar (lavozimi, bo'linmasi)	Qoldiq xavf-xatar darajasi (yuqori / o'rta / past)	Korrupsiyaviy xavf-xatarlarni minimallashtirish bo'yicha chora-tadbirlarni amalga oshirish muddatlari	Izohlar (zarur hollarda)
1												
2												
3												

1. Bo'linma
 - 1.1. Organ yoki muassasa nomi
 - 1.2. Departament/Boshqarma
 - 1.3. Bo'lim
2. To'ldirish uchun mas'ul
 - 2.1. FISH
 - 2.2. Lavozimi
 - 2.3. Bog'lanish uchun (elektron pochta, telefon)

O'zbekiston Respublikasi Kambag'allikni qisqartirish
va bandlik vazirligi huzuridagi Oila va xotin-qizlar
qo'mitasi, uning hududiy bo'linmalari hamda
mahalladagi xotin-qizlar faollarida korrupsiyaviy
xavf-xatarlarni baholash uslubiyotiga 2-ilova

**Korrupsiya xavf-xatariga eng ko'p moyil bo'lgan lavozimlar
RO'YXATI**

№	Tashkilot nomi	Tashkilot tuzilmasi nomi	Lavozimi (funktsiyalarini bajarish uchun mas'ul bo'lgan shaxslarni ko'rsatgan holda)
1.1			
...			
2.1			
...			

O'zbekiston Respublikasi Kambag'allikni qisqartirish va bandlik vazirligi huzuridagi Oila va xotin-qizlar qo'mitasi, uning hududiy bo'linmalari hamda mahalladagi xotin-qizlar faollarida korrupsiyaviy xavf-xatarlarni baholash uslubiyotiga 3-ilova

Kambag'allikni qisqartirish va bandlik vazirligi huzuridagi Oila va xotin-qizlar qo'mitasi, uning hududiy bo'linmalarida va mahalladagi xotin-qizlar faollarida korrupsiyaga qarshi kurashish dasturi

№	Tashkilot nomi	Korrupsiyaviy xavf-xatarni minimallashtirish bo'yicha choralar/tadbirlar/tartib- taomillar	Amalga oshirish mexanizmi	Bajarish muddatlari	Mas'ul ijrochilar (FISH, lavozimi)
1.1					
1.2					
...					
2.1					
2.2					
...					

**Korrupsiyaviy xavf-xatarlarni keyingi bosqichda baholash uchun tashkilot tizimi
bo'linmalarini tasniflash bo'yicha so'rovnoma
ShAKLI**

Quyidagi savollarga javob bersangiz (kerakligisini tagiga chizing):

1. Korrupsiyaviy xavf-xatar so'nggi marta baholangandan so'ng qonunchilikda qandaydir o'zgarishlar sodir bo'lganmi? Agar javob ijobiy bo'lsa, quyida keltirilgan jadvalga tegishli ma'lumotlarni kiriting.
A) Ha B) Yo'q
2. Tarkibiy bo'linmangiz tomonidan bajariladigan tuzilma yoki funktsiya faoliyatini tartibga soluvchi ichki hujjatlarda korrupsiyaviy xavf-xatar so'nggi marta baholangandan so'ng qandaydir o'zgarishlar sodir bo'lganmi? Agar javob ijobiy bo'lsa, quyida keltirilgan shaklga tegishli ma'lumotlarni kiriting.
A) Ha B) Yo'q
3. Korrupsiyaviy xavf-xatar so'nggi marta baholangandan so'ng davlat boshqaruv organlari faoliyati/tuzilmasida tarkibiy bo'linmangiz tomonidan bajarilayotgan funktsiyaga ta'sir qilgan/ta'sir qilishi mumkin bo'lgan qandaydir o'zgarishlar yuz berdimi? Agar javobingiz ijobiy bo'lsa, quyida keltirilgan shaklga tegishli ma'lumotlarni kiriting.
A) Ha B) Yo'q
4. Korrupsiyaviy xavf-xatarlarni avvalgi baholashda ko'zda tutilgan korrupsiyaviy xavf-xatarlarni minimallashtirish chora-tadbirlari amalga oshirildimi? Nima va qachon amalga oshirilganini ta'riflab bering. Agar amalga oshirilmagan yoki qisman amalga oshirilgan bo'lsa, sababini yozing.
A) Ha B) Yo'q V) Qisman amalga oshirilgan
5. Davlat organi/idorasi tizimi bo'linmalarida funktsiyalarni bajarish va tartib-taomillarni amalga oshirishga ta'sir ko'rsatishi mumkin bo'lgan boshqa shart-sharoitlar mavjudmi? Agar javobingiz ijobiy bo'lsa, quyida keltirilgan jadvalga tegishli ma'lumotlarni kiriting.
A) Ha B) Yo'q

t/r	Tashkilot nomi	Tashkilot tuzilmasi nomi	Funksiyalar o'zgargani sabalari	O'zgargan funktsiya ta'rifi	Funksiya doirasida bajarilayotgan	Tartib-taomillarni bajarish uchun mas'ul shaxslar (FISh, lavozimi)
1.1.1						
1.1.2						
...						
...						

Davlat organi/idorasi /davlat organi/idorasi tizimi muassasasi _____

Bo'linma _____

To'ldirayotgan shaxsning lavozimi _____

To'ldirayotgan shaxsning FISh _____

Imzo _____

To'ldirish sanasi _____

5.1-jadval – Korrupsiyaviy xavf-xatar ehtimoli darajasini aniqlash mezonlari

Ehtimoli	Ta'rifi
Yuqori	<ul style="list-style-type: none"> — O'ziga xos xavf-xatar darajasi yuqori — Nazorat tadbirlarining mavjud emasligi / sezilarli darajada kam-ko'stini to'ldirish kerak bo'lgan nazorat tadbirlarining mavjudligi — Tartib-taomilni ichki hujjatlar yordamida aniq tartibga solinishi mavjud emasligi — Tartib-taomilni avtomatlashtirish mavjud emasligi/darajasi pastligi
O'rtacha	<ul style="list-style-type: none"> — O'ziga xos xavf-xatar darajasi o'rta — Tartib-taomil tartibga solingan, kam-ko'stini oz miqdorda to'ldirish kerak bo'lgan nazorat tadbirlari joriy etilgan — Tartib-taomil tartibga solingan, qisman avtomatlashtirilgan, biroq yetarli darajada shaffof emas — O'ziga xos xavf-xatar darajasi yuqori xavf-xatarni kamaytirish uchun yetarli bo'lgan nazorat tadbirlari, jumladan Tashkilotning ichki hujjatlari bilan tartibga solingan, kamida uchta shaxs tomonidan kross-funksional nazorat (davlat organi va tashkiloti hududiy va tarkibiy davlat bo'linmalarining nazorat qilinishi)ni ko'zda tutuvchi nazorat tadbirlarining mavjudligi — Tartib-taomil qisman yoki to'liq avtomatlashtirilgan
Past ehtimoli	<ul style="list-style-type: none"> — O'ziga xos xavf-xatar darajasi past — O'ziga xos xavf-xatar darajasi o'rta hamda xavf-xatarni amaytirish uchun yetarli bo'lgan nazorat tadbirlari, jumladan ichki hujjatlar bilan tartibga solingan, kamida uchta shaxs tomonidan kross-funksional nazoratni ko'zda tutuvchi nazorat tadbirlarining mavjudligi — Tartib-taomil to'liq avtomatlashtirilgan

5.2-jadval – Korruptsiyaviy xavf-xatarning (ta’sirchanlik) ehtimoli darajasini aniqlash mezonlari

Oqibat darajasi	Obro’siga putur yetkazish	Javobgarlik
Yuqori	— Xavf-xatar tashkilotning mamlakat va xalqaro miqyosdagi obro’siga sezilarli ravishda putur yetkazadi	— Tashkilot xodimlariga nisbatan jinoiy ish qo’zg’atish uchun tegishli organlarga hujjat yuborish tashabbusi bilan chiqish
O’rta	— OAVda salbiy hodisaning yoritilishi; — Aholi va hamkorlardan salbiy fikrlar va shikoyatlar olish; — xavf-xatar tashkilot obro’siga mahalliy darajada putur yetkazadi	— Tashkilot xodimlariga nisbatan ma’muriy surishtiruv o’tkazish uchun hujjatlarni Korruptsiyaga qarshi kurashish agentligiga yuborish tashabbusi bilan chiqish
Past	— Aholi, mahalliy OAVlardan vaziyatga izoh berishni so’rab alohida so’rovlar tushishi mumkin	— Davlat organi/idorasi tizimi xodimlariga nisbatan xizmat tekshiruvi o’tkazish tashabbusi bilan chiqish mumkin